

Daim Chart Qhia Txog Cov Tsev Kawm Ntawv Theem Siab

Tsoom Fwv Tsev Kawm Ntawv Nroog Xees Phos muaj cuaj lub tsev kawm ntawv theem siab uas qhia ntau yam, muaj khoos kas ntau thiab ub no ntau, txhua yam kev kawm yog npaj los pab kom cov tub ntxhais kawm ntawv tiav, mus kawm rau tsev kawm ntawv qib siab thiab kawm hauj lwm. Yuav kom tau tshab npav caij, yuav tau xaiv ib lub tsev kawm ntawv hauv zej zos los sis ib lub uas muaj qhov khoos kas magnet (txais thoob plaws nroog) hauv cheeb tsam uas nej nyob.

Cov Tsev Kawm Ntawv Hauv Cheeb Tsam Zej Zos

Cov tsev kawm ntawv hauv cheeb tsam zej zos muaj kev kawm ntawv zoo ze tsev rau nej cov me nyuam. Tej zaud cov tsev kawm ntawv no kuj muaj lwm yam kev kawm thiab cov khoos kas kawm ntawv thiab.

Tej yam hauv nov yuav hloov thaum twg los muaj	Rau Cheeb Tsam No	Sij Hawm Pib Sij Hawm Xaus	Khoos Kas Kawm Lus Askiv*	Ntawv Txum Tim/Ntiaj Teb
Johnson Senior High (9-12) spps.org/johnsonsr 651-293-8890	A	8:30 a.m. 3 p.m.		Fab Kis, Mev
Harding Senior High (9-12) spps.org/harding 651-793-4700	B	7:30 a.m. 2 p.m.	•	Dakota/Lakota, Ojibwe, Fab Kis, Hmoob, Nyiv Pooj, Mev
Washington Technology (6-12) spps.org/washington 651-293-8830	C	7:30 a.m. 3 p.m.	•	Fab Kis, Hmoob, Suav, Mev
Humboldt High School (6-12) spps.org/humboldt 651-293-8600	D	7:30 a.m. 2 p.m.	•	Fab Kis, Mev
Como Park Senior High (9-12) spps.org/comosr 651-293-8800	E	7:30 a.m. 2 p.m.	•	Fab Kis, Mev
Central Senior High (9-12) spps.org/central 651-744-4900	F1	7:30 a.m. 2 p.m.		Fab Kis, German, Latin, Suav, Lav Xias, Mev
Highland Park Senior High (9-12) spps.org/highlandsr 651-293-8940	F2	7:30 a.m. 2 p.m.	•	Fab Kis, Suav, Mev

* Language Academy yog ib qho khoos kas rau cov Kawm Ntawv Askiv (ELL). Saib rau hauv phab 14 kom paub ntau ntxiv.

Cov Tsev Kawm Ntawv Uas Txais Tub Ntxhais Hauv Ob Peb Cheeb Tsam Ua Ke (Regional) thiab Cov Tsev Kawm Ntawv Uas Txais Tub Ntxhais Thoob Lub Nroog No (Magnet)

Cov tsev kawm ntawv Magnet muaj qhia cov cag txuj xws li nyeem ntawv, leb thiab keeb txuj nrog rau lwm yam kev kawm uas npaj tshwj xeeb. Feem ntau cov khoos kas no yeej muaj txij li qib K mus txog 12.

Tej yam hauv nov yuav hloov thaum twg los muaj	Rau Cheeb Tsam No	Sij Hawm Pib Sij Hawm Xaus	Khoos Kas Kawm Lus Askiv*	Ntawv Txum Tim/Ntiaj Teb
Cov ntawv kawm mus ceev Advanced Placement (AP) Ib qho khoos kas uas tau kev pom zoo hauv lub teb chaws los rau cov tub ntxhais kawm cov ntawv kom nyuaj li hauv tsev kawm ntawv qib siab thiab twv cov txuj kom tau qhab nia mus rau tsev kawm ntawv qib siab. Tej yam yuav tsum muaj thiaj kawm tau: Yuav tsum kawm yam tsawg yog ib chav AP rau hauv txhua tog xyoo txij li qib 9-12.				
Como Park Senior High (9-12) spps.org/comosr 651-293-8800	E, F1	7:30 a.m. 2 p.m.	•	Fab Kis, Mev
Humboldt High School (6-12) spps.org/humboldt 651-293-8600	D, F2	7:30 a.m. 2 p.m.	•	Dakota/Lakota, Ojibwe
Johnson Senior High (9-12) spps.org/johnsonsr 651-293-8890	A, B	8:30 a.m. 3 p.m.		Fab Kis, Mev
Washington Technology (6-12) spps.org/washington 651-293-8830	C	7:30 a.m. 3 p.m.	•	Fab Kis, Hmoob, Suav, Mev
Aerospace/Engineering Qhia txog kev ya saum nruab ntug (aerospace) thiab kev tsim txua (engineering). Tej yam yuav tsum muaj thiaj kawm tau: Yuav tsum muaj kev txaus siab rau aerospace thiab engineering heev.				
Johnson Senior High (9-12) spps.org/johnsonsr 651-293-8890	A-F1/F2	8:30 a.m. 3 p.m.		Fab Kis, Mev

Cov Tsev Kawm Ntawv Uas Txais Tub Ntxhais Hauv Ob Peb Cheeb Tsam Ua Ke (Regional) thiab Cov Tsev Kawm Ntawv Uas Txais Tub Ntxhais Thoob Lub Nroog No (Magnet)

Tej yam hauv nov yuav hloov thaum twg los muaj	Rau Cheeb Tsam No	Sij Hawm Pib Sij Hawm Xaus	Khoos Kas Kawm Lus Askiv*	Ntawv Tsum Tim/Ntiaj Teb
American Indian Language and Culture Qhia txog cov neeg Qhab Asmesliskas tus cag liv xwm, kev lis kev cai, kos duab, keeb kwm thiab tej yam tseem ceeb rau lawv haiv neeg. Tej yam yuav tsum muaj thiaj kawm tau: Yuav tsum muaj kev txaus siab kawm txog Qhab Asmesliskas tej kev lis kev cai.				
Harding Senior High (9-12) spps.org/harding 651-793-4700	A-F1/F2	7:30 a.m. 2 p.m.	•	Dakota/Lakota, Ojibwe, Fab Kis, Hmoob, Nyiv Pooj
BioSMART Qhov khoos kas kawm bioscience nrog technology rau txhua yam kev kawm. Tej yam yuav tsum muaj thiaj kawm tau: Tsis tas muaj dab tsi.				
Washington Technology (6-12) spps.org/washington 651-293-8830	A-F1/F2	7:30 a.m. 3 p.m.	•	Fab Kis, Hmoob, Suav, Mev
Capitol Hill Gifted & Talented Ib qhov khoos kas kawm ntawv rau cov tub ntxhais kawm ntawv uas pom tias kawm tau ntawv zoo. Tej yam yuav tsum muaj thiaj kawm tau: Tsis tas muaj dab tsi.				
Highland Park Senior High (9-12) spps.org/highlandsr 651-293-8940	A-F1/F2	7:30 a.m. 2 p.m.	•	Fab Kis, Suav, Mev
Environmental Science Qhia tshwj xeeb txog kev kawm txhua yam tshwm sim ib puag ncig, ntau zaud tawm hauv chav mus kawm sab nraud. Tej yam yuav tsum muaj thiaj kawm tau: Tsis tas muaj dab tsi.				
Humboldt High School (6-12) spps.org/humboldt 651-293-8600	A-F1/F2	7:30 a.m. 2 p.m.	•	Fab Kis, Mev
Kawm Kom Mus Siab (Expeditionary Learning) Kawm tej yam raws li kev paub thiab raus tes ua. Tej yam yuav tsum muaj thiaj kawm tau: Tsis tas muaj dab tsi.				
Open World Learning Community (6-12) spps.org/open 651-293-8670	A-F1/F2	7:30 a.m. 2 p.m.		Mev
Kawm Txog Nyiaj Txiag (Finance) Kawm txog kev khaws nyiaj, lag luam txawv teb chaws, thawj coj, thiab siv twj technology rau hauv kev ua hauj lwm khaws nyiaj: Tej yam yuav tsum muaj thiaj kawm tau: Yuav tsum muaj kev txaus siab txog nyiaj txiag.				
Como Park Senior High (9-12) spps.org/comosr 651-293-8800	A-F1/F2	7:30 a.m. 2 p.m.	•	Fab Kis, Mev
French Immersion Qhia ntawv Fab Kis kom tub ntxhais kawm ntawv txawj nyeem, sau thiab txuas tau lus Fab Kis thiab paub kev lis kev cai Fab Kis. Tej yam yuav tsum muaj thiaj kawm tau: Kawm ntawv Fab Kis raws li cov khoos kas uas yuav tsum kawm (qib 9-12). Yuav xeeb seb paub ntawv Fab Kis npaum li cas.				
Central Senior High (9-12) spps.org/central 651-744-4900	A-F1/F2	7:30 a.m. 2 p.m.		Fab Kis, German, Latin, Suav, Lav Xias, Mev
Hmong Language & Culture Ib qhov khoos kas kawm ntawv Hmoob thiab Askiv los sis ob hom lus txuas zias mus; muab ntawv, liv xwm, thiab kev lis kev cai kawm ua ke. Tej yam yuav tsum muaj thiaj kawm tau: Yuav tsum kawm ntawv thiab kev lis kev cai Hmoob (qib 9-10). Kawm cov chav IB, AP los sis PSEO lus thiab kev lis kev cai Hmoob uas muaj nyob hauv tsev kawm ntawv. Yuav xeeb seb paub ntawv Hmoob npaum li cas.				
Harding Senior High (9-12) spps.org/harding 651-793-4700	A, B, C (sab hnub tuaj ntawm kev 35E)	7:30 a.m. 2 p.m.	•	Dakota/Lakota, Ojibwe, Fab Kis, Hmoob, Nyiv Pooj
Washington Technology (6-12) spps.org/washington 651-293-8830	C (sab hnub poob ntawm kev 35E), E, F1	7:30 a.m. 3 p.m.	•	Fab Kis, Hmoob, Suav, Mev
Kawm Txog Information Technology Kawm siv computer tsim ub no, kev siv database thiab tsim vas sab (web design) los npaj tub ntxhais kawm ntawv rau txoj kev ua hauj lwm rau peb lub ntiaj teb digital nov. Tej yam yuav tsum muaj thiaj kawm tau: Tsis tas muaj dab tsi.				
Humboldt High School (6-12) spps.org/humboldt 651-293-8600	A-F1/F2	7:30 a.m. 2 p.m.	•	Fab Kis, Mev

* Language Academy yog ib qho khoos kas rau cov Kawm Ntawv Askiv (ELL). Saib rau hauv phab 14 kom paub ntau ntxiv.

Cov Tsev Kawm Ntawv Uas Txais Tub Ntxhais Hauv Ob Peb Cheeb Tsam Ua Ke (Regional) thiab Cov Tsev Kawm Ntawv Uas Txais Tub Ntxhais Thooob Lub Nroog No (Magnet)

Tej yam hauv nov yuav hloov thaum twg los muaj	Rau Cheeb Tsam No	Sij Hawm Pib Sij Hawm Xaus	Khoos Kas Kawm Lus Askiv*	Ntawv Txum Tim/Ntiaj Teb
International Baccalaureate (IB) Yog ib qhov khoos kas tau cai hauv cov teb chaws los thiab kawm mus ceev kom tub ntxhais kawm ntawv ua txhua yam nce tes thiab yog pej xeem thooob lub ntiaj teb nov. Tej yam yuav tsum muaj thiaj kawm tau: Yuav tsum kawm ib chav IB txhua tog xyoo.				
Central Senior High (9-12) spps.org/central 651-744-4900	C (sab hnuv poob ntawm kev 35E), E, F1	7:30 a.m. 2 p.m.		Fab Kis, German, Latin, Suav, Lav Xias, Mev
Harding Senior High (9-12) spps.org/harding 651-793-4700	A, B, C (sab hnuv tuaj ntawm kev 35E)	7:30 a.m. 2 p.m.	•	Dakota/Lakota, Ojibwe, Fab Kis, Hmoob, Nyiv Pooj
Highland Park Senior High (9-12) spps.org/highlandsr 651-293-8940	D, F2	7:30 a.m. 2 p.m.	•	Fab Kis, Suav, Mev
Mandarin Immersion Qhia ntawv Suav Madarin kom cov tub ntxhais kawm ntawv txawj nyeem, sau thiab txawj hais lus Suav Mandarin thiab paub lawv tej kev lis kev cai. Tej yam yuav tsum muaj thiaj kawm tau: Yuav tsum kawm ob hoob txuj qhia ua lus Mandarin li ib xyoo. Twv tus xeem lus Mandarin nkag rau qhov khoos kas no.				
Highland Park Senior High (9-12) spps.org/highlandsr 651-293-8940	A-F1/F2	7:30 a.m. 2 p.m.	•	Fab Kis, Suav, Mev
Spanish Immersion Qhia ntawv Mev rau cov tub ntxhais kawm ntawv kom lawv txawj nyeem, sau thiab txawj hais lus Mev thiab paub kev lis kev cai ntawm haiv neeg Mev. Tej yam yuav tsum muaj thiaj kawm tau: Yuav tsum kawm ob hoob txuj uas qhia ua lus Mev li ib xyoo (qib 9-10). Kawm hoob IB ua lus Mev uas muaj nyob hauv tsev kawm ntawv (qib 11-12). Yuav xeem seb paub ntawv Mev npaum li cas.				
Highland Park Senior High (9-12) spps.org/highlandsr 651-293-8940	A-F1/F2	7:30 a.m. 2 p.m.	•	Fab Kis, Suav, Mev
Visual and Performing Arts Muab kev tsim tej yam zoo nkauj thiab ua yeeb yam los kawm xyaw kev kawm ntawv kom cov tub ntxhais kawm ntawv muaj xuas tes ua thiab muaj tswv yim ua ub no rau hauv tsev kawm ntawv. Tej yam yuav tsum muaj thiaj kawm tau: Yuav tsum muaj kev txaus siab heev rau los sis kam kawm tej ntawv thiab qhia tej yus xav tawm rau hauv kev kos duab thiab ua yeeb yam.				
Creative Arts Secondary (6-12) spps.org/creativearts 651-292-3480	A-F1/F2	8:25 a.m. 2:55 p.m.		Mev

* Language Academy yog ib qho khoos kas rau cov Kawm Ntawv Askiv (ELL). Saib rau hauv phab 14 kom paub ntau ntxiv.



Khoos Kas Junior Reserve Officers Training Corps (JROTC)

JROTC yog ib qho khoos kas kawm tub rog hauv tsev kawm ntawv theem siab uas muaj kev kawm zoo, qhia txog ua pej xeem zoo, npaj tub ntxhais kawm ntawv mus rau kev thawj coj thiab muaj lub cib fim rau lawv mus ua dej num pab rau zej zos. Cov tub ntxhais kawm ntawv yuav tau txais qhab nia pub ntoob rau qhov JROTC nov li uas yog ib hoob xaiv kawm.

- Khoos Kas JROTC muaj kawm rau cov tsev kawm ntawv theem siab hauv nov:**
 Washington Technology – Navy
 Harding Senior High – Navy
 Como Park Senior – Marines
 Johnson Senior High – Air Force
 Humboldt High School – Army

Qhia Txog Cov Tsev Kawm Theem Siab

Central Senior High (9-12)

275 N. Lexington Pkwy. | spps.org/central | 651-744-4900

Tsev Kawm Ntawv Central Theem Siab yog ib lub tsev kawm ntawv uas nyob ntev li 150 xyoo los lawm. Cov tsev neeg yeej pom tias cov kev kawm thiab lwm yam uas peb muaj, muaj nuj nqis heev xws li kawm ntaus suab paj nruas ua ke, hu nkauj ua ke thiab koom nrog peb pab tub ntxhais uas tau yeej qhov txua neeg hlau. Cov tub ntxhais kawm ntawv yuav muaj lub cib fim kawm lwm yam uas lawv nyiam xws li koom tes rau pab tub ntxhais sib cav tswv yim thiab hais lus, pab tub ntxhais ua yeeb yam thiab koom haum kawm lus thiab kev lis kev cai, animé, kos duab, kas moos, caij tshab kauj vab ua ke thiab ntau yam ntxiv. Tsev Kawm Ntawv Central yog ib lub uas muaj qhov khoos kas International Baccalaureate (IB) thiab twb muaj qhov khoos kas Diploma nov txij li xyoo 1987 los lawm, hos qhov khoos kas Middle Years Programme los peb twb muaj txij li xyoo 2010 los lawm thiab. Cov khoos kas nov nrog rau cov hoob Quest thiab Advanced Placement yuav txhawb kom cov tub ntxhais kawm ntawv muaj lub laj lim tswv yim txawj xav tob. Cov tub ntxhais kawm ntawv los kuj yuav tau txais qhab nia rau qib siab los ntawm kev kawm cov ntawv hauv qib siab thaum tseem kawm nyob rau hauv tsev kawm ntawv theem siab thiab mus kawm qib siab ua ntej (PSEO). Central muaj kawm rau hom lus thiab muaj cov khoos kas uas kawm lus Fab kis thiab German txuas zias mus. Peb muaj cov kev qhia kom npaj txhij mus kawm rau qib siab, xws li Upward Bound, College Possible, AVID, thiab African American Male Initiative. Muaj kawm npaj rau hauj lwm xws li computer science thiab industrial arts, construction trades pathway, kho tshab, muab xov xwm, thiab audio production.

Rau Cheeb Tsam No	Sij Hawm Pib / Sij Hawm Xaus	Khoos Kas Kawm Lus Askiv	Ntawv Txum Tim/Ntiaj Teb
F1 + Magnet Programs**	7:30 a.m. - 2 p.m.		Fab Kis, German, Latin, Suav, Lav Xias, Mev

** Saib phab 52-54 rau cov tsev kawm ntawv uas txais ob peb cheeb tsam ua ke thiab cov uas txais thoob plaws nroog.

Como Park Senior High (9-12)

740 W. Rose Ave. | spps.org/comosr | 651-293-8800

Nyob rau hauv Como Park Senior High, peb mus raws li peb lub tsev kawm ntawv lo lus hais tias Nyob Muaj Tswv, Tshawb Kawm, Kawm Tau, Tiav Ua Ke (Belong, Explore, Achieve, Succeed Together). Peb muaj qhov chaw txhawb thiab pab kom txhua tus tub ntxhais kawm ntawv nrhiav thiab nthuav tau lawv txoj kev txawj thiab ntse. Nyob rau hauv CPSHS, txhua tus yuav muaj lub caij tshawb kawm rau yam lawv txaus siab – txij li kis las mus rau kev tsim neeg hlau. Tsi ntsees rau txoj kev npaj mus kawm rau tsev kawm ntawv qib siab thiab ua hauj lwm, peb yuav pab cov tub ntxhais kawm ntawv kom lawv xav dhau hauv tsev kawm ntawv theem siab mus rau lub ntiaj teb. Peb qhov khoos kas Advanced Placement thiab College in the Schools yuav pab kom cov tub ntxhais kawm ntawv muaj lub hauv paus ruaj khov thiab qhov pib rau hauv tsev kawm ntawv qib siab. Peb muaj lwm cov ntawv kawm mus ceev thiab Pre-Advanced Placement, xws li AVID (Achievement Via Individual Determination) thiab PSEO (Post Secondary Education Opportunities). Como txoj kev kawm txog nyiaj txiag yuav npaj cov tub ntxhais kawm ntawv rau cov dej num lag luam thiab nyiaj txiag, thiab yuav muab lub cib fim rau cov tub ntxhais kawm ntawv mus xyaum ua hauj lwm, kawm kom tau qhab nia rau tsev kawm ntawv qib siab, thiab tau ntawv pov thawj hauv tsev kawm ntawv qib siab. Txhua tus tub ntxhais kawm ntawv yuav tau txais kev txhawb nqa kom kawm tau zoo los ntawm cov khoos kas xws li Marine Corps JROTC, suab paj nruas, ua yeeb yam thiab lwm yam kev kawm tom qab lawv ntawv. Peb qhov khoos kas uas tub ntxhais kawm ntawv ua tus coj kom muaj kev sib txig sib luag thiab ncaj ncees, Dare 2 Be Real, phooj ywg sib pab, Link Crew thiab lub cib fim kawm kev thawj coj hauv zej zos yuav pab kom cov tub ntxhais kawm ntawv muaj kev thawj coj khov. Como muaj tej kev lag luam, neeg zej zos thiab niam txiv txoj kev pab ntau. Peb los kuj zoo siab tias peb muaj ib lub tshav ua kis las tshiab lawm, uas ua rau sawv daws txaus siab tias peb yog Como Cougars!

Rau Cheeb Tsam No	Sij Hawm Pib / Sij Hawm Xaus	Khoos Kas Kawm Lus Askiv	Ntawv Txum Tim/Ntiaj Teb
E + Magnet Programs**	7:30 a.m. - 2 p.m.	•	Fab Kis, Mev

** Saib phab 52-54 rau cov tsev kawm ntawv uas txais ob peb cheeb tsam ua ke thiab cov uas txais thoob plaws nroog.

Creative Arts Secondary (6-12)

65 Kellogg Blvd. | spps.org/creativearts | 651-292-3480

Creative Arts cov tub ntxhais kawm ntawv vam meej los ntawm ib lub tsev kawm ntawv uas muaj txhua txhia yam thiab kev txhawb nqa. Peb qhov khoos kas hauv theem nrab yuav pab cov tub ntxhais kawm ntawv tshawb thiab kawm txog txuj kos duab ntxiv kom lawv npaj txhij rau txoj kev nthuav qhia txog lawv txoj kev kawm hauv qib 8. Peb cov tub ntxhais kawm ntawv hauv theem siab rau siab ntso rau txoj kev cob qhia uas pab kom lawv paub tias lawv yuav mus ua ib tug kws txuj dab tsi los ntawm chav kawm kos duab thiab ua yeeb yaj kiab. Qhov txheej txheem no yuav pib los ntawm txoj kev sim peev xwm qhia seb lawv txawj dab tsi thiab qhia tias lawv nyiam yam txuj twg. Peb mam li pab cov tub ntxhais kawm ntawv npaj hom phiaj rau txoj kev kawm txuj kos duab, ua yeeb yam thiab kawm ntawv kom lawv kawm tiav rau theem siab thiab tom qab kawm tas theem siab lawd.

Thov nco ntsoov: Creative Arts Secondary, qib 9 txog 12, yuav siv cov tshab hauv zos (Metro Transit) thauj tub ntxhais kawm ntawv mus los. Mus saib kom paub ntxiv nyob rau hauv spps.org/creativearts.

Rau Cheeb Tsam No	Sij Hawm Pib / Sij Hawm Xaus	Khoos Kas Kawm Lus Askiv	Ntawv Txum Tim/Ntiaj Teb
A-F1/F2	8:25 a.m. – 2:55 p.m.		Mev

Qhia Txog Cov Tsev Kawm Theem Siab

Harding Senior High (9-12)

1540 E. Sixth St. | spps.org/harding | 651-793-4700

Nyob hauv Harding peb yuav txhawb kom txhua tus tub ntxhais kawm tau ntawv zoo. Muaj tshaj li ib nrab ntawm peb cov tub ntxhais kawm ntawv kawm yam tsawg kawg yog ib chav nyuab zog thiab txhua tus tub ntxhais kawm ntawv yuav npaj rau lub neej tom qab kawm tas tsev kawm ntawv theem siab los ntawm kev npaj hom phiaj rau txoj kev kawm hauv tsev kawm ntawv theem siab thiab tom qab ntawd (six-year plan). Harding qhov khoos kas International Baccalaureate (IB) Middle Years Program (MYP) muaj cov chav kawm mus ceev rau qib 9 thiab 10, xam tas nrho ntawv Fab Kis, Mev, Nyiv Pooj, Lakota/Dakota, Hmoob thiab Ojibwe; thiab leb, keeb txuj, keeb kwm thiab kev nyeem ntau yam ntawv. Peb muaj cov chav kawm nyuab zog xws li IB Diploma Programme los txhaub rau cov nyob qib 11 thiab 12. Qhov khoos kas kawm txog Qhab Asmeslikas yuav muab caij rau tas nrho cov tub ntxhais kawm ntawv mus kawm txog haiv neeg Qhab Asmeslikas cov keeb kwm, ntaub ntawv, duab thiab lus. Tshaj qhov nov, muaj ze li 30 lub koom haum uas cov tub ntxhais kawm ntawv ua tus coj yuav qhib txoj hau kev rau txhua tus muaj kev koom tes. Cov koom txoos no muaj xws li Navy JROTC, kev tsim ub no, kab ke haiv neeg ntiaj teb, kev sau xov xwm thiab ntau yam ntxiv. Peb muaj qhov khoos kas zoo heev uas qhia kis las rau peb lub caij. Txhua yam muaj kawm nyob rau hauv peb lub tsev kawm ntawv yog ib qho teeb them rau txhua tus txoj kev loj hlob raws li ib tug Harding Knight.

Rau Cheeb Tsam No	Sij Hawm Pib / Sij Hawm Xaus	Khoos Kas Kawm Lus Askiv	Ntawv Txum Tim/Ntiaj Teb
B + Magnet Programs**	7:30 a.m. - 2 p.m.	•	Dakota/Lakota, Ojibwe, Fab Kis, Hmoob, Nyiv Pooj, Mev

** Saib phab 52-54 rau cov tsev kawm ntawv uas txais ob peb cheeb tsam ua ke thiab cov uas txais thoob plaws nroog.

Highland Park Senior High (9-12)

1015 S. Snelling Ave. | spps.org/highlandsr | 651-293-8940

Raws li uas tau kev tso cai ua ib lub tsev kawm ntawv International Baccalaureate (IB) World, Highland Park Senior muaj cov kev kawm nyuab thiab zoo heev. Txhua tus tub ntxhais kawm ntawv yuav muaj kev txhawb zog kom lawv loj hlob rau ntawm tus kheej, kev xav thiab txawj ua lub neej koom xeeb rau hauv peb lub ntiaj teb uas tab tom huaj vam ntawm nov. Highland Senior yog tib lub tsev kawm ntawv hauv SPPS uas cov nyob qib 9 thiab 10 muaj kawm rau hauv qhov khoos kas IB Middle Years Programme (MYP). Qhov khoos kas IB Diploma yuav npaj cov tub ntxhais kawm ntawv hauv qib 11-12 mus kawm rau qib siab thiab ua hauj lwm. Highland Senior yuav npaj tej kev kawm kom haum rau peb cov tub ntxhais kawm ntawv uas yog ntau haiv neeg. Peb muaj qhov khoos kas kawm ntawv Mev, Suav thiab Capitol Hill txoj hau kev kawm mus ntxiv rau cov tub ntxhais txawj nruab siab ntse nruab thiab. Peb qhov chaw kawm ntawv uas muaj kev sib txhawb zog ua rau cov tub ntxhais yooj yim cog tau phooj ywg nrog lwm cov me nyuam uas kawm ntawv ua ke nrog lawv. Muaj cov kev xaiv kawm ntau xws li kos duab thiab ua yeeb yam, industrial technology, Project Lead the Way, ntawv ntiaj teb, AVID, ua teb thiab tsim qauv txhaub peb cov tub ntxhais kom rau siab kawm ntawv. Peb zoo siab uas peb muaj txoj kev kawm zoo heev rau peb cov tub ntxhais Kawm ntawv.

Rau Cheeb Tsam No	Sij Hawm Pib / Sij Hawm Xaus	Khoos Kas Kawm Lus Askiv	Ntawv Txum Tim/Ntiaj Teb
F2 + Magnet Programs**	7:30 a.m. - 2 p.m.	•	Fab Kis, Suav, Mev

** Saib phab 52-54 rau cov tsev kawm ntawv uas txais ob peb cheeb tsam ua ke thiab cov uas txais thoob plaws nroog.

Humboldt High School (6-12)

30 E. Baker St. | spps.org/humboldt | 651-293-8600

Txij li kev kos duab thiab ua teb mus rau cam hlau thiab kawm kev koom txoos, tub ntxhais kawm ntawv xyiv fab hlo tuaj rau hauv peb lub tsev kawm ntawv thiab loj npab ntshuas kawm. Raws li uas yog koog tsev kawm ntawv tib lub tsev kawm ntawv kawm keeb txuj ib puag ncig (Environmental Science magnet) rau qib 6-12, Humboldt kawm tshwj xeeb rau qhov uas nqis tes ua thiab tawm mus kawm nraum zoov. Muaj tej hnub tej zaum cov tub ntxhais kawm ntawv cog qoob loo thiab npaj khoom noj los ntawm tej qoob loo lawv cog hauv peb lub vaj hos tej hnub sau computer program. Cov tub ntxhais kawm ntawv yuav muaj lub cib fim kawm npaj rau kev ua hauj lwm los ntawm peb qhov khoos kas Academy of Information Technology thiab Emergency Medical Responder, Certified Nursing Assistant thiab kev kawm cam hlau. Peb muaj ntau yam kawm tshaj li hauv chav mus xws li suab paj nruag, kis las, ua liaj teb rau yav tom ntej rau hauv Asmeslikas (Future Farmers of America (FFA), JROTC, txua neeg hlau, koom haum kawm leb, thiab ntau yam ntxiv. Muaj khoos kas kawm ntawv zoo xws li AVID, Advanced Placement thiab College in the Schools rau hauv chav txhaub thiab txhawb peb cov neeg hluas txhua them rau ntawm lawv txoj kev kawm ntawv.

Rau Cheeb Tsam No	Sij Hawm Pib / Sij Hawm Xaus	Khoos Kas Kawm Lus Askiv	Ntawv Txum Tim/Ntiaj Teb
D + Magnet Programs**	7:30 a.m. - 2 p.m.	•	Fab Kis, Mev

** Saib phab 52-54 rau cov tsev kawm ntawv uas txais ob peb cheeb tsam ua ke thiab cov uas txais thoob plaws nroog.

Johnson Senior High (9-12)

1349 Arcade St. | spps.org/johnsonsr | 651-293-8890

Txhua tus yuav nrhiav tau chaw kawm thiab loj hlob nyob rau hauv Tsev Kawm Ntawv Johnson Senior High. Peb lub tsev kawm ntawv yog hauv paus tsev kawm ntawv lub tsev khoos kas rau Aerospace thiab Engineering magnet uas cov tub ntxhais kawm ntawv nyiam tuaj txhua qhov hauv Xees Phos tuaj kawm. Johnson Senior yog ib lub tsev kawm ntawv tau ntawv pov thawj rau qhov “Project Lead the Way” uas cov tub ntxhais kawm ntawv yuav muaj feem xaiv hauv 6 yam pre-engineering kawm yuav qhab nia mus rau tsev kawm ntawv qib siab, tib yam li peb cov chav Advanced Placement thiab College in the Schools. Johnson muaj ntau txoj kev rau tub ntxhais kawm ntawv mus raws li tej uas lawv txaus siab xws li muaj tshaj 40 pawg koom txoos thiab koom haum thiab 25 pawg kis las thiab ib qho khoos kas thawj coj rau tub ntxhais kawm ntawv uas zoo tshaj plaws thiab muaj ntau yam ua nyob rau hauv lub xeev no. Txhua tus tub ntxhais kawm ntawv hauv Johnson yuav tau ua kom tiav ib teg num rau xyoo kawg los qhia tias lawv sau tau ntawv zoo, hais lus khov kho, thiab muaj peev xwm tswj tes dej num nov kom tiav raws sij hawm. Peb zoo siab rau peb lub zej zos thiab kev lag luam txoj kev koom tes xws li 3M, HiWay Federal Credit Union, Saint Paul College, thiab University of Minnesota. Johnson yuav saib xyuas kom txhua txhia tus tub ntxhais kawm ntawv muaj txoj kev npaj thiab npaj kom txhij rau lub neej tom qab kawm tas tsev kawm ntawv theem siab.

Nco Ntsoov: Tsev Kawm Ntawv Johnson yuav siv cov npav hauv zej zos (Metro Transit) thauj me nyuam mus kawm ntawv thiab los tsev. Mus saib hauv spps.org/johnsonsr kom paub ntxiv.

Rau Cheeb Tsam No	Sij Hawm Pib / Sij Hawm Xaus	Khoos Kas Kawm Lus Askiv	Ntawv Txum Tim/Ntiaj Teb
A + Magnet Programs**	8:30 a.m. - 3 p.m.		French, Spanish

** Saib phab 52-54 rau cov tsev kawm ntawv uas txais ob peb cheeb tsam ua ke thiab cov uas txais thoob plaws nroog.

Open World Learning Community (6-12)

640 Humboldt Ave. | spps.org/open | 651-293-8670

Tsev Kawm Ntawv Open World Learning Community (OWL) yog ib lub tsev kawm ntawv me me uas yog ib feem ntawm lub teb chaws txoj kev sib txuas kawm mus kom ceev (Expeditionary Learning). Peb cov kev kawm yog npaj mus raws tus qauv Learning Expeditions – kawm kom cov tub ntxhais kawm ntawv txawj soj ntsuam tej yam tshwm sim hauv tsev kawm ntawv, zej zos thiab lub ntiaj teb. Txoj kev kawm kom pom lub niam tswv yim yuav pab kom peb txawj muab ntau yam los kawm ua ke. Yuav muab lub cajj rau tub ntxhais kawm ntawv xav txog tej yam tseem ceeb, muab sij hawm rau lawv sim, thiab pub cajj rau lawv kom lawv to taub tej uas lawv kawm. Peb lub “tsev kawm ntawv me me” thiab tsi ntsees rau txoj kev sib raug zoo nrog lwm tus thiab kev xav ntawm lub siab uas ua rau cov tub ntxhais kawm ntawv kam nug txog tej yam kev lis kev cai uas tsim nyog paub thiab qhia txog kev sib mob siab thiab ua pej xeev zoo. Peb lub tsev uas zoo zoo nkauj nyob rau hauv Xees Phos sab Hnub Poob yog npaj tshwj xeeb los txhawb txoj kev koom tes rau seem kev kawm raws tus qauv Expeditionary Learning.

Rau Cheeb Tsam No	Sij Hawm Pib / Sij Hawm Xaus	Khoos Kas Kawm Lus Askiv	Ntawv Txum Tim/Ntiaj Teb
A-F1/F2	7:30 a.m. - 2 p.m.		Spanish

Washington Technology (6-12)

1495 Rice St. | spps.org/washington | 651-293-8830

Txhua txhua xyoo, peb cov tub ntxhais kawm ntawv tau txais tshaj li ntawm 1,400 tus qhab nia rau tsev kawm ntawv qib siab, thiab pib qib 6 mus cov tub ntxhais kawm ntawv yeej tau txais kev npaj mus kawm qib siab lawm. Raws li yog ib lub tsev kawm ntawv technology magnet, Washington yuav pab kom cov tub ntxhais kawm ntawv npaj txhij rau tej hauj lwm zoo zoo yav tom ntej. Cov tub ntxhais kawm ntawv yuav siv cov technology xws li iPads, 12 chav koos phis tawj, daim txiag qhia ntawv dawb, cov koob tsoom tej yam me me thiab txua neeg hlau. Txhua tus tub ntxhais kawm ntawv qib 6 txog 12 yuav muaj cajj sib raug zoo nrog xib hwb ntev, uas yuav ua rau lawv yooj yim hloov hauv theem nrab mus rau theem siab. Peb qhov khoos kas kawm ntawv ntxiv tom qab lawb ntawv yog qhov uas loj tshaj plaws nyob rau lub xeev no, txhua tus tub ntxhais kawm ntawv hauv Washington yuav tau txais li ib teev los kawm ntawv los sis kawm kev pab ntxiv, xws li kawm ntawv ntiaj teb, sib tw kis las thiab kawm koos phis tawj txhua hnub. Cov tub ntxhais ua tej pab pawg kawm nyob rau cov chav hauv tsev kawm ntawv uas hu ua “house.” Washington los kuj yog ib lub tsev kawm ntawv BioSMART thiab. BioSMART txhais tau tias kev kawm keeb txuj txog txoj sia, leeb, kev kawm cov ntawv nyuaj thiab technology. BioSMART muaj kawm txuj txog txoj sia thiab tshuaj los sis kev tsim txua. Cov tub ntxhais kawm ntawv xaiv tau ib yam ntawm ob yam no los kawm txuas mus ntxiv.

Rau Cheeb Tsam No	Sij Hawm Pib / Sij Hawm Xaus	Khoos Kas Kawm Lus Askiv	Ntawv Txum Tim/Ntiaj Teb
C + Magnet Programs**	7:30 a.m. - 3 p.m.	•	French, Hmong, Mandarin, Spanish

** Saib phab 52-54 rau cov tsev kawm ntawv uas txais ob peb cheeb tsam ua ke thiab cov uas txais thoob plaws nroog.

Lwm Yam Tsev Kawm Ntawv Theem Siab

Lwm yam tsev kawm ntawv theem siab (Non-traditional high schools) los peb yeej muaj txhij rau cov tub ntxhais kawm ntawv uas xav kawm rau tej qhov chaw txawv li cov tsev kawm ntawv theem siab uas ib txwm kawm (traditional high school). Cov tsev kawm ntawv Non-traditional theem siab no muaj kawm sij hawm txawv, siv tus qauv txawv los qhia thiab kawm kom tau qhab nia rau hauv tsev kawm ntawv qib siab kom cov tub ntxhais kawm tiav. Yog xav paub ntxiv kom paub meej hais tias mus kawm rau ib lub tsev kawm ntawv Non-traditional puas yog ib qhov uas zoo rau nej tus me nyuam, thov hu rau lub Tuam Tsev Teev Npe Kawm Ntawv ntawm 651-632-3760.

Tsev Kawm Ntawv AGAPE (Rau Cov Ntxhais Hluas thiab Niam) Theem Siab

1037 University Ave W. | spps.org/agape | 651-744-7970 | 9:30 a.m. - 4 p.m.

Tsev Kawm Ntawv AGAPE Theem Siab yuav npaj txoj kev kawm pab rau cov ntxhais hluas uas cev xeeb tub los sis twb yog niam lawd kom lawv kawm tiav tsev kawm ntawv theem siab thiab npaj kom txhij mus kawm rau qib siab thiab hauj lwm. AGAPE koom tes nrog University of Minnesota thiab Saint Paul College kom muaj cov kev kawm siab li hauv tsev kawm ntawv qib siab nyob rau hauv peb lub tsev kawm ntawv, kom tau qhab nia rau qib siab thiab tsev kawm ntawv theem siab. Peb kuj muaj kev pab ntxiv thiab kom tsis txhob tiv thaiv cov ntxhais txoj kev kawm ntawv, xws li muaj social worker ua hauj lwm puv ntoob thiab tus saib mob hauv tsev kawm ntawv, muaj chaw zov me nyuam thiab kuaj mob nyob ntawm tsev kawm ntawv. AGAPE muaj kev koom tes nrog ntau lub koom haum hauv zej zos kom muaj kev pab rau cov ntxhais kawm ntawv.

Khoos Kas Gateway to College

235 Marshall Ave | spps.org/gatewaytocollege | 651-403-4222 | 8 a.m. - 3 p.m.

Kev mus kawm rau qhov Khoos Kas Gateway to College yog ib lub cib fim rau cov tub ntxhais mus kawm kom tiav rau hauv tsev kawm ntawv theem siab tib lub caij thaum pib kawm rau qib siab. Cov tub ntxhais uas kawm rau qhov khoos kas no muaj peev xwm yuav tau txais qhab nia rau hauv tsev kawm ntawv theem siab thiab qib siab tib si thaum uas lawv kawm yuav daim ntawv pov thawj kawm tiav nyob rau hauv tsev kawm ntawv theem siab. Gateway cov neeg ua hauj lwm yuav pab kom cov tub ntxhais kawm ntawv tau txais kev kawm hauv qib siab thiab tau txais qhab nia rau qib siab, los ntawm cov kev npaj kawm raws tus kheej lub peev xwm nyob rau hauv ib lub tsev kawm ntawv uas mob siab thiab muaj kev txhawb nqa. Muaj kawm lub sij hawm txawv rau cov tub ntxhais kawm ntawv. Ib co hoob hauv qib siab yog qhia los ntawm cov xib hwb hauv Saint Paul College thiab cov hoob hauv theem siab yog qhia los ntawm cov xib hwb qhia ntawv hauv cov tsev kawm ntawv theem siab li ib txwm muaj. Txhua tus tub ntxhais kawm ntawv yuav tau txais ib daim pib caij npav (Metro Transit) mus los rau Saint Paul College. Cov tub ntxhais uas kawm tau zoo rau qhov khoos kas Gateway to College no muaj peev xwm yuav kawm tiav rau theem siab nrog rau ib xyoo los sis ntau dua nyob rau qib siab!

LEAP High School

631 N. Albert St. | spps.org/leap | 651-228-7706 | 9:30 a.m. - 4 p.m.

Peb lub tsev kawm ntawv yog pab rau cov tub ntxhais kawm ntawv hnuv nyoo 14 txog 20 xyoo uas tuaj tshiab rau hauv teb chaws Asmeslikas nov uas kawm ntawv Askiv yog yam lus thib ob thiab kawm kom tau diploma rau hauv tsev kawm ntawv theem siab. Cov tub ntxhais kawm ntawv yuav tau txais kev qhia kom raws li lawv theem kev paub ntawv Askiv rau kev nyeem ntawv, sau ntawv thiab hais lus Askiv. Cov xib hwb hais ob hom lus yuav qhia ua tej pawg me me kom txhua tus tau txais kev kawm zoo, muaj kev sib hwm thiab sib txhawb rau lawv tej kev lis kev cai. LEAP muaj cov chav kawm tom qab lawb ntawv. Los ntawm kev koom tes nrog tej koom haum hauv zej zos, cov tub ntxhais kawm ntawv yuav muaj cib fim kawm kev thawj coj thiab koom tes rau tej dej num hauv zej zos. Peb pab cov tswv cuab hauv zej zos uas tuaj tshiab kom lawv kawm tau ntawv tam sim nov thiab rau yav tom ntej.

Gordon Parks High School

1212 University Ave W. | spps.org/gordonparks | 651-744-1212 | 8:30 a.m. - 3 p.m.

Peb lub tsev kawm ntawv lub luag hauj lwm yog muab Gordon Parks lub txiaj ntsim saib rau lub sam xeeb los ntawm txoj kev npaj txoj hau kev kawm mus ntxiv kom kawm tiav thiab vam meej mus tas lub neej. Peb lub tsev kawm ntawv lub npe yog tis raws ib tug neeg Africa Asmeslikas uas hais kom pej xeem muaj feem sib txig sib luag, tsim yeeb yaj kiab, yees duab thiab sau ntawv. Gordon Parks yog ib lub tsev kawm ntawv uas sib zog kawm ces vam meej taus. Cov tub ntxhais kawm ntawv yuav kawm ywj lub sij hawm, txais qhab nia kom tiav ntawv thiab txais kev txawj ua hauj lwm, thiab tau ntawv caij npav hauv zos ywj siab mus kawm ntawv. Cov tub ntxhais kawm ntawv yuav muaj ntau lub cib fim tawm suab rau hauv zej zos, kos duab, koom xeeb thiab kawm txog ib puag ncig. Los ntawm cov xib hwb, tub ntxhais kawm ntawv thiab tsev neeg kev koom tes, peb muaj kev txhawb nqa thiab cib fim rau txhua tus kom vam meej. Piv txwv, txhua tus tub ntxhais kawm tas hauv Gordon Parks nov mus yuav muaj tswv yim npaj rau lub neej tom qab tas tsev kawm ntawv theem siab.

Gordon Parks Evening High School

spps.org/ehs | 651-744-1210 | 3:30 p.m. - 7 p.m.

Tsev Kawm Ntawv Theem Siab Yav Tsaus Ntuj yog ib qho khoos kas kawm ntawv uas pub txoj kev kawm tsim nyog rau cov tub ntxhais kawm ntawv kom lawv kawm cov hoob tiav thiab tau qhab nia txaus rau cov hoob uas lawv yuav tsum tau kawm thiaj tiav rau theem siab. Peb muaj kawm online thiab hauv cov chav kawm ntawv li ib txwm nyob rau ob qhov chaw xws li: Gordon Parks High School, 1212 University Ave. W., thiab Eastside Learning Hub nyob hauv Harding, 1526 Sixth St. E. Lub hnuv nyoo thiab zoo li cas thiaj mus kawm tau thiab tej kev kawm sib txawv. Cov kws pab tswv yim mam qhia rau cov tub ntxhais kawm ntawv uas muaj hnuv nyoo 16 xyoo rov saud hais tias lawv yuav tsum kawm hoob twg thiaj yuav tiav. Cov tub ntxhais kawm ntawv uas tsis mus kawm rau ib lub tsev kawm ntawv theem siab li ib txwm muaj, muaj peev xwm mus teev npe kawm rau ib lub tsev kawm ntawv theem siab yav tsaus ntuaj thaum txog caij teev npe kawm ntawv.